



Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH", br. 49/06 i 51/09) i člana 19. Statuta Općine Novo Sarajevo ("Službene novine KS, br.5/20 – prečišćen tekst i 20/20- ispravka), uz pribavljeno mišljenje Sindikalne organizacije Općine Novo Sarajevo broj: 01-19/25 od 15.04.2025. godine, Općinsko vijeće Novo Sarajevo, na 7. redovnoj sjednici održanoj dana 31.07.2025. godine, donijelo je

ODLUKU

O IZMJENAMA ODLUKE O UTVRĐIVANJU PLATNIH RAZREDA I KOEFICIJENATA ZA PLAĆE, DODATAKA NA PLAĆU I NAKNADA PLAĆE IZABRANIH DUŽNOSNIKA, NOSIOCA IZVRŠNIH FUNKCIJA I SAVJETNIKA, DRŽAVNIH SLUŽBENIKA I NAMJEŠTENIKA OPĆINE NOVO SARAJEVO

Član 1. (Izmjena člana 5.)

U Odluci o utvrđivanju platnih razreda i koeficijenata za plaće, dodataka na plaću i naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Novo Sarajevo („Službene novine Kantona Sarajevo“, broj 23/13) (u daljem tekstu: Odluka), član 5. mijenja se i glasi:

“Član 5. (Utvrđivanje osnovne plaće)

- (1) Osnovna plaća se utvrđuje množenjem osnovice za plaću i boda za obračun plaće iz člana 4. ove odluke sa utvrđenim koeficijentom platnog razreda i tako utvrđeni iznos uvećava se za iznos postotka po osnovu penzijskog staža koji je propisan Zakonom o plaćama i naknadama, Kolektivnim ugovorom ili drugim propisom koji reguliše ovu oblast, u zavisnosti šta je za zaposlenika povoljnije, za svaku započetu godinu penzijskog staža Općinskog načelnika, Predsjedavajućeg Općinskog vijeća, Zamjenika predsjedavajućeg Općinskog vijeća, (ukoliko funkciju obavljaju profesionalno), savjetnika općinskog načelnika, pravobranioca i zamjenika pravobranioca, državnih službenika i namještenika, a najviše do iznosa postotka utvrđenog Zakonom o plaćama i naknadama, odnosno Kolektivnim ugovorom ili drugim propisom koji reguliše ovu oblast, u zavisnosti šta je za zaposlenika povoljnije.
- (2) Osnovna plaća ne može biti manja od 70% prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku, odnosno manja od iznosa utvrđenog Odlukom Vlade Federacije Bosne i Hercegovine o iznosu najniže plaće za tu godinu, u zavisnosti šta je za zaposlenika povoljnije.
- (3) U slučaju da množenjem utvrđene osnovice, boda za obračun plaće i pripadajućeg koeficijenta platnog razreda, osnovna plaća iznosi manje od 70% prosječne plaće, odnosno manje od iznosa utvrđenog Odlukom Vlade Federacije Bosne i Hercegovine o iznosu najniže plaće za tu godinu, zaposleniku će se isplatiti jedan od naprijed navedenih iznosa plaće, u zavisnosti koji je za njega povoljniji.
- (4) Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.
- (5) Ukoliko zaposlenik radi sa nepunim radnim vremenom, u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.
- (6) Puno radno vrijeme zaposlenih je 40 sati sedmično.

- (7) Rukovodilac organa će, na prijedlog neposrednog rukovodioca, donijeti rješenje kojim se osnovna plaća državnog službenika i namještenika uvećava za procenat do 20%, za period u kome, pored poslova svog radnog mjesta, privremeno obavlja i poslove drugog radnog mjesta, uz obavještenje sindikatu.
- (8) Rukovodilac organa iz stava (7) ovog člana je obavezan donijeti posebno rješenje o privremenom obavljanju poslova drugog radnog mjesta, koje se donosi za svaki mjesec pojedinačno.”

Član 2.
(Izmjena člana 8.)

U članu 8. Odluke, u tabeli, u koloni koja glasi: Platni razred „VI“, Radno mjesto „Savjetnik Općinskog načelnika“, mijenja se koeficijent na način da umjesto brojeva „5,70“, glasi „6,40“.

Član 3.
(Rok za usklađivanje akata)

Općinski načelnik će u roku od 30 dana od dana stupanja na snagu ove odluke, uskladiti opće akte Općine Novo Sarajevo sa ovom odlukom.

Član 4.
(Stupanje na snagu)

Ova odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-1-7620/25
Sarajevo, 31.07.2025. godine

PREDSJEDAVAJUĆI
Općinskog vijeća Novo Sarajevo

Mr. sc. Edison Paylović